



7. Dec 2010

Inatsisartut suleriaasiat § 37 naapertorlugu Naalakkersuisunut imaattumik apeqquteqarniarpunga.

**Naalakkersuisunut Apeqqut:**

**Aasaq manna naternami naternallu eqqaani umimattassat tamakkerlugit pisarineqanngitsut ukiuunerani piniarneqarsinnaasunngorlugit Naalakkersuisut periarfissiiniarpap?**

**Umimmannik kisitsisoqarnissaa pilersaarutigineqalernikuua?**

**Aappaagumut umimmattassiinissami pisassat ikilineqarniarpat?**

(Inatsisartuni ilaasortaq Kristian Jeremiassen, Siumut)

**Tungavilersuut:**

Kangerlussuup eqqaani ukiuunerani umimmanniartoqartarpoq maanili naternami naternallu eqqaani umimmanniartoqassanani, maanna piffissannortutut isigivara ukiuunerani piniartoqartariaqartoq allani piniartoqartarnera aamma pissutigalugu.

Umimmannik pisassiisoqareernikuuvoq taakkualu pisarinngitsuukkat ukiuunerani piniarnermut misiligutaasinnaakutsoorput, ukiuuneranimi umimmannik piniartitsilluta misiliikkingikkutta paasisaqarunnangilagut.

Aamma isumaqarpunga ataatsikkorsuaq piniartarneq unitsinneqartariaqartoq ukioq mannami umimmappassuit ataatsikkut piniarneqarput piffissami siviisunngitsumi, isumaqarpungalu taamatut sukkaasuumik piniartarneq allannortillugu aamma ukiuunerani piniartoqartalertariaqartoq taamaalilluni ataatsikkorsuaq piniartoqartarunnaassamat, tassami eqqaamassuarput aatsaat 1990-ikkunni naternami umimmaliisoqarnikuuvoq.

Nassuiaquara pinngortitaleriffiup umimmannik kisitsinissaa pilersaarutigineqalersimanersoq.

Naggataatigullu mianersortumik piniarsinnaaneq eqqarsaatigalugu isumaqarpunga ukioq manna umimmannik piniarfiusoq qaangiummat oqartariaqarlunga umimmattassat ikappallaartut pisassiisutigineqarsimasut.

Ataqqinartut Naalakkersuisuni ilaasortat, isumaga ersarissumik tusartillara imaattoq:

Ukiup tulliani umimmannik piniarfiusoq nutaaq aallartippat ikinnerusunik umimmattassiigitsi ukioq manna ingattallusi pisassiisimagassi, qujanaraluaqaaq pisassiigassi amerlanaarassigit, kisialli amerlavallaqaat.